

PRVI U SVIJETU - KRIV JE DRUGI

Uvijek smo bili prvi ili makar do njega, nikad drugi i nikad krivi. **Prvi nikad nije kriv – kriv je drugi!** A sve da bi bili prvi i mimo svijeta.

Prvi i jedini smo po mnogo čemu i iha ha!

Prvi i jedini smo dozvolili da činovnici i starješine institucija imaju prava, a **obaveze i odgovornosti nikako i nikad. Ko je kriv? Kriv je drugi!**

Prvi i jedini smo na svijetu usvojili zakon - PDV na djelatnost od javnog interesa (djelatnost igara na sreću). **Ko je kriv? Kriv je drugi!**

Prvi i jedini smo na svijetu gdje učesnici u igrama na sreću ne plaćaju porez na dobitke od igara na sreću. **Ko je kriv? Kriv je drugi!**

Prvi i jedini smo na svijetu gdje se sloboda izražavanja mišljenja i sloboda i nezavisnost medija ostvaruju etabliranjem i kreiranjem afera, podmetanjem krivičnih djela o ugroženosti novinara, slobode i nezavisnosti medija..., načina i matrice i u realizaciji Daily Press-a, MANS-a, Monitora i TV Vijesti... **Ko je kriv? Kriv je drugi!**

Prvi i jedini smo u svijetu gdje se nezavisnost medija ostvaruje slobodnim ilegalnim priređivanjem igara na sreću, kao što su te slobode u praksi ostvarivali Daily Press i TV Vijesti (Mazda Vazda i Piramida). **Ko je kriv? Kriv je drugi!**

Prvi smo i jedini na svijetu gdje činovnici, u ime ostvarivanja slobode i nezavisnosti medija, falsifikuju važeće zakone da bi medijskim kućama Daily Press-u i TV Vijesti omogućili ostvarivanje prihoda i neplaćanje poreskih i koncesionih obaveza. **Ko je kriv? Kriv je drugi!**

Prvi smo i jedini na svijetu gdje organi gonjenja i otkrivanja, u ime ostvarivanja slobode mišljenja, govora, slobode i nezavisnosti medija, imaju visok stepen tolerancije za inflagranatna krivična djela koja se gone po službenoj dužnosti kada ta djela izvršavaju pravni subjekti Daily Press, MANS, Monitor, TV Vijesti. **Ko je kriv?**

Kriv je drugi!

Prvi smo i jedini na svijetu gdje pravno besmislene, antievropske, protivustavne zakone sprovodimo i primjenjujemo “dosljedno i jednako na sve“. **Ko je kriv? Kriv je drugi!**

Prvi smo i jedini na svijetu gdje se ljudska prava, slobode i pravda ostvaruju obmanom, klevetom, diskriminacijom, diskreditacijom, na način kao što to radi MANS i njegove oglasne table – Daily Press, TV Vijesti, Monitor.. **Ko je kriv? Kriv je drugi!**

Prvi smo i jedini na svijetu gdje su odgovornost i krivica na onima koji ukažu na krivična djela, a ne na onima koji ih čine ili su ih izvršili.

Ko je kriv? Kriv je drugi!

Prvi smo i jedini na svijetu gdje zakonske norme imaju točkiće, koje zahvaljujući slobodnim tumačima, advokatima prekoplotušama, analistima..., “dosljedno primjenjujemo na sve“ okrećući normu prema drugom, nikad prema prvom. **Ko je kriv? Kriv je drugi!**

Prvi smo i jedini na svijetu gdje... Iha ha...!
Ko je kriv? Kriv je drugi!

Prve i jedine, za sad neprikosnovene rekorde u načinu ostvarivanja javnih interesa putem krivičnih djela i nepoštovanjem zakona u realizaciji MANS-a, Daily Press-a, Monitora, TV Vijesti..., posrnulih činovnika državnih uprava, UPIS je kao drugi predočio crnogorskoj javnosti, institucijama, diplomatskim predstavništvima: događajima, činjenicama, dokazima i njihovim ličnim priznanjima. **Ko je kriv? Kriv je drugi!**

UPIS ponovo poziva institucije i sve one koji posjeduju informacije od značaja da ih iznesu na uvid javnosti, da se utvrdi i sazna ko laže, krade, obmanjuje, kleveće, ko plaća, ko ne plaća i ko u kom interesu i sa kojim ciljem vrši zloupotrebu opštih javnih interesa i dobara, kako bi se jednom za uvijek u ovom vremenu utvrdilo

ko je kriv. Ko je prvi, ko je drugi, da bi se otpad jednom uklonio i pohranio đe mu je mjesto – na deponiju!

Tajna je starija od istine. Istina ne može da umre. **Prvi**, ogrezli u grijehu, laži i krivičnim djelima, neće da prihvate tu činjenicu nadajući

se uvijek iznova da će sljedeća laž i prevara proći kao istina i da će time prikriti skrivanu koruptivnu, mešetarsku, pokvarenu intimu i ubijediti druge da se javni interesi ostvaruju licemjerjem i demagogijom, po matrici koju je **UPIS**, kao **drugi**, ogolio do kraja!

